



# NONG HEHPIHNA-IN VANTUNG DONGAH KIZEEL





**"Topa aw, mite  
lakah lungdam  
kong ko ding a,  
minamte lakah  
nangmah phatna  
ka sa ding hi.  
Banghang hiam  
cileh na itna kip  
in vantung ban a,  
na thumanna in  
meiipi banto hi"**

(Late 57:9,10)



David in thukham singkuang Jerusalem ah a kхиin ciang in: “Hong hehpihna in kip tawntung hi” (1Khang. 16:34).

Thukham singkuang pen Solomon’ biakinnpi ah a koih ciangin, Levi’te-in lasa hi: “Hehpih itna in kip tawntung hi” (2Khang. 5:13).

Pasian’ mei a kuan ciang in, amaute-in “Ama’ hehpihna in kip tawntung hi” ci-in a gen phapha uh hi (2Khang. 7:3).

Jehoshaphat in gal sim a kuan ciangin, Levi mite-in “ama’ itna in a tawn tung in kip hi” ci-in lasa uh hi (2Khang. 20:21).

Zerubbabel in biakinn thak bulpi kiphut ciangin, a lasak in: “Ama hong hehpih itna in ... a tawntung hi” (Ezra 3:11).

A kibang kammalte in Late 100, 103, 106, 107, 118, 136 le 138 ah pulaak kikik hi.

Jeremiah in Jerusalem a kipuahpha kik ciangin, la a kisa ding hi ci-in gen khol hi: “Ama hong itna in a tawntung in kip hi” (Jer. 33:11).

Pasian hong itna in a tawntung hi a cih in ei-a dingin bang a ci nuam hiam?

Tua itna sungah bangte kihel hiam? Bang phattuamna hong pia hiam?

Tua itna koici thuk kik ding hiam?




### ● Pasian’ hong itna:

- Tawntung a kip itna (Late 136).
- A kikheel thei itna (Late 51).
- A maisak thei itna (Late 130).

### ● Pasian hong itna mihingte’ thuhkik zia:

- Phatna le muanna (Late 113 le 123).
- Thupha piakna le phathuaina (Late 103).



# PASIAN' HONG ITNA



# TAWNTUNG A KIP ITNA

"Amah hoih ahih manin TOPA tungah lungdamna ko un; banghang hiam cihleh ama itna kip tawntung hi"  
(Late 136:1)



Late 136 in a kidawng la khat hi. Tua taang 26 sungah, la kihual pawl khat in Pasian phat in, a dang pawl khat in tua phatna pen dik sakna thu pulak in dawng hi: "Banghang hiam cihleh hong hepihna in kip tawntung hi."

"Heppihna" ci-in a kilet Hebrew kammal in "itna tawh kidim migiitna" "itna." Pasian in Ama tawntung hong itna tawh bang hong sepsak hiam?



Ih kiim' a om na khempeuh piangsak in a lamdang na a sem hi (Late 136:1-9)

Pasian' hong itna in Amah a it te' tung bekah huzap nei hilo hi, a hang' pen Amah in "nuntakna nei khempeuh a dingin an pia hi" (Late 136:25). Tua itna ngaihsun in, late aatpa in Pasian phat dingin ei hong sapna hangin ama phatna kipan sakin a tawp sak hi (Late 136:1, 26).



Amah in Israel mite sila hihna pan suakta sakin kamciam gam ah tun hi (Late 136:10-22)




Tua laitakin, Amah in ei hong lunghimawh, hong hon, le hong don hi (Late 136:23-26)


# A KIKHEEL THEI ITNA

"Pasian aw, ka sungah lungsim siangtho hong piangsak inla, a thak a man ngaihsutna hong guan' in" (Late 51:10)

Late 51 ah David in "Bathsheba kiang a tun ciangin, kamsang Nathan amah kiang hong pai hi" (ci-in kigelhbeh). Tua hun laitakin, kisikna in David lungsim hong tuam hi. Tu-in amah in Pasan mai-ah a lungsim teng sungkhia-in a mawh nate a maisak nading thuum in, mawhna a bawl kik nawnloh nading a gen hi (Late 51:3-5).



Ama hong itna lian ahiih manin, Pasian in a mawh nate siang sak in a khialh nate a hepkhiat sak hi (Late 51:1-2, 7-9). Ahiih zongin, David in lamdang takin hih beh hi. Maisakna tawh lungkimlo hi. Ih nun takna ah kikheelna a om keileh, mawh bawlna kikhawl theilo ding hi. Eite in kipuahphatna kisam hi.



Pasian in tua a lamdang nate sem thei hi: i sungah lung sim siangtho le a man hong guan thei hi (Late 51:10). Maisakna le kipuah phatnate-in lungnopna, tecipanna, phatna le pahtawinate piangsak hi (Late 51:12-15). Pasian in kiniamkhiatin itna tawh phatna i piakna hong sang hi (Late 51:16-19).

# A MAISAK THEI ITNA

"Topa aw, nangmah in mawhneite ciamtuh lecin, Topa aw, kua in thuakzo ding ahi hiam? Ahih hangin nangmah hong kizahtak theihna dingin nangmah in mawhna na maisak hi." (Late 130:3-4)

Late 130 ah a thupi thu nih om hi

Maisakna

Mawhna in guam thuk sungpan in Pasian kiang ah kikona hi (Late 130:1-2). Ih thuumna ngai-in, Topa'n hong en in ... ama'n bang mu hiam?

Ih mawhnate hong encik hileh, kua'n thuakzo mawk ding (Late 130:3).

Ahihzongin a kisiik mi'pa pen Pasian in a itna mit tawh en in, mawhmaina a pia hi (Late 130:4).

Ngakna

Hih a vanglian thu-in lametna hong nei sak hi. Tua ahihmanin, eite-in Pasian mai' sakna ngah theih nadingin upna le muanna tawh i ngak ding hi.

"Topa' sungah nuamsa-in" a cih a vanglian ama' awging i zak ding zingsang eite-in i ngak hi (Matt. 25:21; cf. Late 130:5-6).

"Israel mite a mawhnate pan honkhia ding hi" a cihna ah Pasian' mite khempeuh in lungsim lawp takin a ngak na sungah kihel ding uh hi (Late 130:7-8).

**“Zeisu Khris sungah i bu ding hi. Eite-in Ama itna i muang hi. Mongneilo itna tawh eite hong it ahihna ni khat khit ni khat i tel’ semsem hi. Bang thu mahin na hong lungkia sakin, hong dah saklo ding hi. Pasian’ hoihnate bek ngaihsun in. Hong hehpihna le thuphate simpha kik in. [...] Eite’ lungtang sung, i ngaihsutna le i lei tung Topa phatna a tawntung in omsak un”**

PASIAN HONG ITNA MIHINGTE' THUHKIK ZIA





# PHATNA LE MUANNA

"Topa phat un. Topa' naseunte aw, phat un. Topa' min phat un." (Late 113:1)



Late 113 le 123 in eite-in Pasian phat ding le muan nading bang thu hongpia hiam?

**Late 113:4**

Banghang hiam cihleh tua in vantung le leitung sangin sang zaw hi

**Late 113:5-6**

Amah in a sang mun ah a om hangin, amah mah kiniamkhiat in, ei' dinmun ah hong om hi

**Late 113:7-8**


Mizawngte le a tasam mite hun in a lamsang hi

**Late 113:9**

Banghang hiam cihleh amah in a lamdang nate a sem hi

**Late 123**

Banghang hiam cihleh paampaihna i thuak ciangin amah in hong hehpih hi



A tom in genleng, Pasian a vangliatna, na lamdang bawlina, hong itna le hong kiniam khatnate hangin eite-in i pahtawi ding hi.

Singlamteh tungah eite-in hih a vanglian nate i mu zo hi. Ama' hong itna lian in eite adingin "sihna thuak dingin" Zeisu hong pai hi (Fili. 2:8). Hihin phat tak hilo hiam?

Vanglian in itna tawh a kidim Honpa pen eite'n a bit in up le muang ding hilo hiam?

# THUPHA PIAKNA LE PAHTAWINA

"Topa ka phat ding a, ama migitna ka mangngilh kei ding hi" (Late 103:2)



Topa in eite bang phattuamnate hongpia hiam?

Ka khialhnate hong maisak in (Late 103:3a)

Ka natna te hong damsak in (Late 103:3b)

Guam thuk sungpan ka nuntakna hong honkhia in (Late 103:4a)

Amah in itna le Pahtawina lukhu kei hong khu sak hi (Late 103:4b)

Amah in lungsim hoih tawh kei hong lungkim sak hi (Late 103:5a)

Amah in kei hong no' suaksak hi (Late 103:5b)

Ngonghtatna ka thuak ciangin Amah in mantakin thu khen hi (Late 103:6)

Ama geelnate kei hong theisak hi (Late 103:7)

Amah in kei hong it in kei' tungah a heh kei ding hi (Late 103:8-9)

Amah in ka mawhna tawh kituakin hong thukkiklo hi (Late 103:10-11)

Amah in ka mawhнате ciамtehlo hi (Late 103:12)

A sawtlo-in om nawnlo cih thei ahihmanin, kei hong hehpih hi (Late 103:13-18)

Hih hehpihna a thuk dingin, Topa thupha piakna ah vantung mite tawh i kizom hi (Late 103:19-22). Pasian vangliatna le sepnate theihpih in ama' hoihna, hehpihna le pilna te i biak ciang in phatna tawh kipan hi.

**“Na lung kikia sak kei in. Lungkia mite in tha khauh ding hi; lamet bei na pan lametna ngahding hi. Pasian in a mite hehpih takin a don’ hi. Amaute kikona aw a za hi. Pasian sepnate ah launa ka nei kei hi. A sepnate ah a huu ding hi. Eite’ vaipuak in i omna mun ah kidim sakin, nungta ding ... singlamteh khe phung ah kiniamkhiat in, citak takin nungta in, le a siangtho nuntakna tawh ama maipha-ah nungta in. Tua bang sepna hangin, eite-in mai zumna thuaklo-in, i kha in Pasian mai ah a siangtho lungsim tawh a beel ding hi. [...]”**

**Ka lungsim kip in, Pasian ka muang hi. Kei hong Honpa ka nei hi. Ama hauhna kidim ka hih manin ka kipak hi. Pasian pen ka zahtak zaw a, Ama adingin a manpha ka hi nuam hi.”**